



**REPUBLIKA E SHQIPËRISË**  
**BASHKIA LIBRAZHD**

Nr. 5568...Prot.

date: 12.11.2024

**RELACION**

**PËR MIRATIMIN E “PLANIT TË PËRMIRËSIMIT TË SHËRBIMIT PËR ARSIMIN PARASHKOLLOR 2025-2027” NË BASHKINË LIBRAZHD**

Në vitin 2015, gjatë periudhës së ndryshimeve politike në Shqipëri, u ndërmorën reforma të rëndësishme që preknin strukturën e Bashkive në vend. Këto ndryshime organizative sollën krijimin e 61 Bashkive të reja, duke sjellë me vete sfida të shumta administrative dhe organizative. Këto transformime u realizuan në përpjekje për të decentralizuar më tej pushtetin lokal dhe për të përgjigjur më mirë nevojave për zhvillim dhe mirëqenie sociale dhe ekonomike në nivel lokal.

Në lidhje me arsimin parashkollor, Bashkia Librazhd mori përsipër përgjegjësinë për zbatimin dhe përmirësimin e këtij sektori në territorin e saj. Pas një eksperience pune tetë vjeçare në ofrimin e shërbimit të Arsimit Parashkollor, tashmë duke njojur mirë nevojat dhe sfidat Bashkia Librazhd, ka punuar për një plan të qartë afatmesëm për përmirësimin në vijim të shërbimit për të adresuar nevojat dhe sfidat në kopshte.

Procesi i hartimit të Planit të Përmirësimit të shërbimit për Arsimit Parashkollor në Bashkinë Librazhd (në vijim referuar si Plani) është mbështetur nga Projekti “Bashki të Forta” i financuar nga Agjencja Zvicerane për Zhvillim dhe Bashkëpunim (Swiss Development & Cooperation) i zbatuar nga Helvetas, përmes asistencës teknike të ofruar nga Smart Processes shpk.

*Qëllimi i planit është të përmirësojë cilësinë e arsimit parashkollor në Bashkinë Librazhd, duke përfshirë përmirësimin e infrastrukturës së kopshteve, zhvillimin e burimeve njerëzore dhe krijimin e një database efektive për menaxhimin e strukturave të arsimit parashkollor. Plani synon të harmonizojë aktivitetet në një vizion të përbashkët dhe koherent, duke përfshirë bashkëpunimin me prindërit dhe komunitetin.*

Dokumenti gjithashtu përfshin një analizë përbajtësore e cila përfshin Vizionin, Misionin, dhe Objektivat Strategjike të Planit, duke përcaktuar gjithashtu personat përgjegjës për zbatimin dhe monitorimin e tij. Pjesa e dytë e dokumentit fokusohet në vendosjen e objektivave specifike për secilin proces dhe përcaktimin e treguesve të performancës për t'u përdorur për monitorim. Në pjesën e tretë, paraqitet buxheti i nevojshëm për të realizuar ndërhyrjet në terren përritjen e cilësisë së arsimit parashkollor.

Plani është shtrirë në të gjitha kopshtet nën juridikcionin e Bashkisë Librazhd dhe do të monitorohet nga Drejtoria e Arsimit, Kurures dhe Turizmit, Sektori i Arsimit Parashkollor, me qëllim përmirësimin e shërbimeve arsimore parashkollore për të gjithë fëmijët në këtë zonë.

Plani i Përmirësimit të Shërbimit për Arsimit Parashkollor në Bashkinë Librazhd përqendrohet në Proceset e Menaxhimit të shërbimit në arsimin parashkollor, me qëllim përmirësimin e cilësisë dhe organizimit efektiv. Planifikimi dhe kontrolli i cilësisë janë thelbësore për këtë qëllim, duke përfshirë planifikimin e numrit të fëmijëve në kopshte dhe

vlerësimin e infrastrukturës së nevojshme. Objektivat kryesore të planit përfshijnë rritjen e regjistrimeve dhe frekuentimit në kopshte të vajzave dhe djemve, fuqizimin e strukturave të kopshteve dhe sigurimin e një shpërndarje të barabartë të fëmijëve. Në një periudhë tre vjeçare, Plani prezanton sfidat dhe mundësítë specifike të regjistrimit të fëmijëve, duke përfshirë nevojnë pér të identifikuar nevojat e komunitetit dhe pér të përdorur teknologjinë pér të përmirësuar menaxhimin e të dhënave. Lista e aktiviteteve përfshin projekte si punësimi i specialistëve pér arsimin parashkollor, vlerësimin e brendshëm kopshteve, themelinin dhe funksionalizimin e organizmave të institucionit arsimor si bordi i kopshtit, këshilli i prindërve, Komisioni i Shëndetit, Sigurisë, Mirëmbajtjes dhe Mjedisit, si dhe organizimin e aktiviteteve të përbashkëta me komunitetin dhe prindërit pér të përmirësuar shërbimin.

Plani i Përmirësimit të Shërbimit synon të adresojë Proceset Kryesore dhe të përmirësojë shërbimin pér fëmijët në nevojë pér përfshirje sociale, mbrojtje dhe ata me aftësi të kufizuara në kopshtet publike të Bashkisë Librazhd. Qëllimi kryesor është të rritet identifikimi, vlerësimi dhe trajtimi më i mirë i këtyre rasteve në mënyrë që të sigurohet një shërbim cilësor dhe i plotë pér fëmijët në nevojë.

Pér të arritur këtë qëllim, plani ka disa objektiva të përgjithshëm, si rritja e identifikimit të rasteve të fëmijëve në nevojë pér përfshirje sociale, mbrojtje dhe me aftësi të kufizuara, si dhe përmirësimi i procesit të menaxhimit të këtyre rasteve. Në mënyrë specifike, pér të adresuar nevojat e fëmijëve me aftësi të kufizuara, plani synon të përmirësojë procesin e diagnostikimit të tyre dhe të sigurojë infrastrukturë të përshtatshme në kopshte pér t'i bërë ata të aksesueshëm.

Në të njëjtën kohë, plani përfshin ndihmë të përditshme pér të gjithë fëmijët në nevojë, përfshirë mbështetje ushqimore, trajtim psikologjik, si dhe ndërhyrje ligjore në rastet e nevojshme. Përveç kësaj, synohet edhe hartimi dhe zbatimi i politikave të mbrojtjes së fëmijëve në institucionet arsimore dhe përmirësimi i bashkëpunimit mes strukturave të shërbimit social të përfshira pér të garantuar një trajtim të drejtë dhe të efektshëm pér të gjithë fëmijët në nevojë.

Planifikimi dhe zbatimi i Proceseve Mbështetëse në Planin e Përmirësimit të Shërbimit pér kopshtet publike të Bashkisë Librazhd është një pjesë kritike e përpjekjeve pér të siguruar një mjedis të përshtatshëm dhe cilësor pér fëmijët. Këto procese janë themelore pér arritjen e qëllimeve të përcaktuara, duke përfshirë trajnimin e stafit, përmirësimin e infrastrukturës së kopshteve dhe sigurimin e materialeve didaktike. Qëllimi i Proceseve Mbështetëse është të ofrojnë mbështetje efektive pér proceset kryesore të shërbimit në kopshte. Këto përfshijnë aspekte të rëndësishme si edukimi, siguria, zhvillimi dhe aksesueshmëria pér të gjithë fëmijët.

Pér të arritur këtë qëllim, objektivat kryesore përfshijnë plotësimin e standardeve të vendosura nga ligji pér stafin e kopshteve, rikonstrukcionin e godinave të kopshteve pér të përmirësuar infrastrukturën dhe sigurimin e materialeve didaktike pér të përbushur nevojat e zhvillimit të fëmijëve. Në procesin e rekrutimit të stafit, janë parashikuar veprime specifike si punësimi i drejtorëve të kopshteve pér të përbushur standardin e një drejtori pér çdo 5 grupe fëmijësh, duke respektuar udhëzimet ligjore. Gjithashtu, është parashikuar trajnimi i stafit pér situata emergjente dhe pér përdorimin e teknologjisë së informacionit, nëpërmjet bashkëpunimit me agjencitë përkatëse pér sigurimin e trajnimeve të nevojshme. Për rikonstrukcionin e godinave, janë identifikuar nevojat konkrete të kopshteve, duke përfshirë rikonstrukcionin e tualetave, rinnovimin e ambienteve të brendshme dhe të jashtme, si dhe sigurimin e materialeve të nevojshme pér këtë qëllim. Në planifikimin e nevojave pér materiale, është parashikuar

hartimi i një liste të unifikuar të materialeve didaktike për të siguruar një standard të përshtatshëm për zhvillimin dhe edukimin e fëmijëve në kopshte.

Këto masa synojnë të sigurojnë një mjedis të sigurt, të përshtatshëm dhe cilësor për të gjithë fëmijët, vajza e djem, duke përmbrushur nevojat e tyre të edukimit dhe zhvillimit në mënyrë efektive.

Zbatimi i Planit do të kërkojë buxhet shtesë të nevojshëm për të realizuar të gjitha projektet e përfshira në Planin e Përmirësimit të Shërbimit. Buxheti shtesë përfshin fusha të ndryshme, duke përfshirë arsimin bazë dhe arsimin parashkollar, si dhe programe për kujdesin social të familjeve, fëmijëve dhe personave të sëmurë apo me aftësi të kufzuara, te parashikuara ne PBA 2025-2027.

Mbështetur në Ligjin nr. 139/2015 "Për Vetëqeverisjen Vendore" neni 8, neni 23 pika 12, neni 54 pika k, Ligjin nr. 69/2018 "Për Sistemin e Arsimit Parauniversitar në Republikën e Shqiperisë" i ndryshuar, paraqesim projekt vendimin për shqyrtimin dhe miratimin e Planit të Përmirësimit të Shërbimit për Arsimin Parashkollar në bashkinë Librazhd.

K R Y E T A R

Marigjen DISHA



Agjensia e Fuksionimit te Patranferueshem

Sektori i Arsimit, Kultures, Rinise, Sporteve dhe Organizimit te Aktivitetave Festive  
Marsida ÇOTA

Marsida Çota  
(Emër, Mbiemër, firmë)

Sekretari i Pergjithshem  
Bajram PISHKASHI

Bajram Pishkashi  
(Emër, Mbiemër, firmë)

NenKryetar

Ermir SULLOLARI

Ermir Sulollari  
(Emër, Mbiemër, firmë)